

**Secretário de Estado do Conselho de Ministros e  
Porta-voz Oficial do Governo de Timor-Leste  
Ágio Pereira**



7 Marsu 2012  
Díli, Timor-Leste

**Ministru Timor-Leste no Dinamarca nian lidera hamutuk Diálogo  
Internasionál kona-ba Harii Dame no Harii Estadu**

Vizibilidade internasionál Timor-Leste nian aumenta iha tinan ikus, bainhira Paíz ne'e simu responsabilidade hodi lidera forum internasionál balun ne'ebe importante. Hodi representa Timor-Leste, Ministra Finansas Emilia Pires ko-prezide Diálogo Internasionál (DI) kona-ba Harii Dame no Harii Estadu desde fulan Abril 2010. DI harii iha tinan 2008, sai hanesan forum ba dahuluk hodi haibur paízes ne'ebe afekta tanba situasaun konflitu no frajilidade ho sira nia parseiru internasionál. Liu paízes 40 no organizasoens internasionais maka partisipa iha forum ida ne'e.

Diálogo Internasionál kria espasu no apoiu ba grupu distintu ida ne'ebe mosu no koñesidu independentemente hanesan g7+, ne'ebe representa atualmente nasaun 19 ne'ebe frajil no afetadu husi konflitu. Grupú ida ne'e, prezididu husi Timor-Leste, hetan impaktu nível global no iha papel fundamental ida iha forum Diálogo ne'e.

Timor-Leste iha prazer atu fó sai no simu ko-prezidente foun ba Diálogo Internasionál. Sr Chris Friis Bach, Ministru Ko-ordenasaun ba Dezenvolvimentu Governu Dinamarca nian. Husi parte Sr Back bainhira nia simuatu ko-prezide DI representa pasu importante ida iha historia ida neé, ne'ebelha ko-prezidentes rua ho pasta ministru hotu. Primeiru-Ministru Timor-Leste nian, Kay Rala Xanana Gusmao, hakerek pesoalmente ba Primeira-Ministra Dinamarca nian, Sra Helle Thorning-Schmidt, hodi agradese disponibilidade Ministru Bach ba fo kontribuisaun ba Diálogo Internasionál, hodi promove harii dame no harii Estadu, bainhira Dinamarca sai hanesan nasaun ida ne'ebe fo tulun ba agenda Estadu Frajil nian.

Governu Dinamarca fo tulun maka'as ba agenda efikásia ba ajuda internasionál, ho nia prinsípiu fundamental ba pertensa nasional, aliñamentu no armonizasaun. Dinamarca hanesan paíz ida maka fó assisténsia *per capita* presta ba mundu tomak, ne'ebe tinan barak nia laran fó Assisténsia ba Dezenvolvimentu Internasionál liu Nasoens Unidas ho 0,7% ba Produdu Nasional Brutu. Iha tinan tranzaktu sira hetan 0,9% no ba tinan mai, hein atu toó 1,0% husi. Dinamarca mos halo fó ajuda barak duke kulker paíz seluk husi OCDE, hodi loke dalan ba mellor prátika iha envolvimentu internasionál iha Estadu Frajis.

Iha tinan kotuk liu, ko-prezidente Ministra Emilia Pires halibur ho Ministru Bach iha okaziaun ba apresentasaun *New Deal* iha Busan, Korea Sul, bainhira Governu Dinamarca sai hanesan primeiru atu endorsa totalmente nia paradigma hodi fó tulun ba Estadu frajil no afetadu husi konflitu. *New Deal* hanesan arkitetura dahuluk ba ajuda nasoens ne'ebe afetadu husi konflitu ne'ebe promove harii dame no harii Estadu hanesan aliserse ba aselera konkretizasaun ODM nian. Agora, ko-prezidente sira sei ba prezide Diálogo Internasionál, enkuantu Nasoens membru komesa koko *New Deal* no buka ba Nasoens Unidas endorsa Agenda Harii Dame no Harii Estadu nian. FIM

**Ágio Pereira+670 723 0011**

Correio electrónico:  
[agio.pereira@cdm.gov.tl](mailto:agio.pereira@cdm.gov.tl)  
ou  
[govtlmedia@gmail.com](mailto:govtlmedia@gmail.com)  
Portal electrónico:  
[www.timor-leste.gov.tl](http://www.timor-leste.gov.tl)